


Dukunde gusoma

Inkuru ya 9 na 10



Icapwa rya kabiri

IJAMBO RY'IBANZE

Barimu, babyeyi,

Aka gatabo karimo udukuru tugufi abanyeshuri bisomera. Utwo dukuru twanditswe kugira ngo dufashe abanyeshuri kwisomera ubwabo hakiri kare no gushyira mu bikorwa ibyo bize mu ishuri. Utu dutabo tuzafasha cyane abanyeshuri biga mu mwaka wa mbere w'amashuri abanza.

Utwo dukuru twanditswe bwa mbere na REB, turi mu dutabo 12. Buri gatabo karimo udukuru tubiri tujyanye n'inyuguti zizwe. Buri gakuru kajyanye n'inyuguti cyangwa igihekane gishya kizwe. Iyo umwarimu yigishije inyuguti nshya, abanyeshuri baba bakeneye gusoma amagambo menshi arimo iyo nyuguti.

Abanyeshuri ntibagomba gutegereza gusoma utu dutabo ari uko bize inyuguti cyangwa ibihekane byose kubera ko inkuru zanditsemo zirimo inyuguti bize gusa. Ni yo mpamvu, iyo abanyeshuri bamaze kwiga urugero inyuguti ya R, bashobora gutangira gusoma amagambo yoroshye nka 'ururo' cyangwa 'ararira'. Agatabo ka mbere karimo amagambo nk'ayo gusa ku buryo bifasha abana gutangira gusoma hakiri kare.

Shishikariza abanyeshuri gutira utu dutabo mu isomero ry'ishuri kandi badutahane mu rugo, badusome ku giti cyabo cyangwa badusomere abo babana. Babaze ibibazo bibafasha kumva ibyo basomye. Bashishikarize kandi gufata neza utu dutabo.

Umuyobozi w'Urwego rw'Igihugu rushinzwe Uburezi bw'Ibanze.

Inkuru ya 9

Zuba yize koga






Zuba yagiye kureba Tereziya.



Zuba abona ikiyaga.



Tereziya abaza Zuba niba azi
koga.



Zuba yemera ko atabizi.



Tereziya atarukira mu mazi.



Ayora amazi ayatera Zuba.



Zuba araza baterana amazi.



Tereziya atoza Zuba koga.

Zuba yize koga

Amagambo y'ingenzi

atoza

azi

atabizi

amazi

araza

abaza

Umubyeyi cyangwa undi muntu mukuru ubana n'umunyeshuri, asabwa kumufasha gukora umukoro wo gusoma agakuru no gusubiza ibibazo bijyanye nako.

Ibibazo byo kumva agakuru

1. Tereziya yatarukiye he?
2. Ni nde Tereziya yatoje koga?

Inkuru ya 10

Ruhaya





Gahigi arazirika Ruhaya mu gihuru.



Ruhaya ibura uko iharira.




Ruhaya irahebeba.



Ruhaya irataruka.



Ruhaya itega Gahigi.



Gahigi abona Ruhaya yabuze
amahoro.



Gahigi ahitamo kuyigarura
mu kiraro.



Ruhaya yihutira kurira mu kiraro.

Ruhaya

Amagambo y'ingenzi

yihutira

iharira

irahebeba

amahoro

ahitamo

gihuru

Umubyeyi cyangwa undi muntu mukuru ubana n'umunyeshuri, asabwa kumufasha gukora umukoro wo gusoma agakuru no gusubiza ibibazo bijyanye na ko.

Ibibazo byo kumva agakuru

1. Ni he Gahigi yaziritse Ruhaya?
2. Ruhaya yakoze iki igeze mu kiraro?

© 2023 Urwego rw'Igihugu rushinzwe Uburezi bw'Ibanze

Uburenganzira bw'umuhanzi w'ibikubiye muri iki gitabo, bufitwe n'Urwego rw'Igihugu rushinzwe Uburezi bw'Ibanze (REB).

Iki gitabo cyashyizwe ahagaragara bwa mbere ku nkunga ya Amerika ibinyujije mu Kigo cya Leta Zunze Ubumwe z'Amerika Gishinzwe Iterambere Mpuzamahanga (USAID). Ibitekerezo bigikubiyemo si ibya USAID cyangwa Guverinoma ya Leta Zunze Ubumwe z'Amerika. Iki gitabo cyashyizwe ahagaragara bwa kabiri ku nkunga ya Banki y'Isi.

Abanyeshuri bashobora gusoma

Zuba yize koga



Nyuma yo kwiga
inyuguti ya **z/Z**

Ruhaya



Nyuma yo kwiga
inyuguti ya **h/H**

Udukuru dukubiye muri aka agatabo turimo amagambo agizwe gusa n'inyuguti abanyeshuri bamaze kwiga. Abanyeshuri bashobora kwisomera utu dukuru bo ubwabo nyuma yo kwiga inyuguti zigaragara hejuru. Kubera ko hari igitabo gisanzwe cy'umunyeshuri, aka gatabo gakubiyemo ubwoko bw'udukuru tw'inyongera umunyeshuri azajya asoma ku giti ke kugira ngo akomeze akore indi myitozo yo kwimenyereza gusoma inyuguti yize. Umubyeyi cyangwa undi muntu mukuru ubana n'umunyeshuri asabwe kujya afasha umunyeshuri gusoma agakuru no kumubaza ibibazo bijyanye na ko byateganijwe.